

**AELAN KOT BLONG
RIPABLIK BLONG VANUATU
(PENTECOST AELAN)
Land kes namba 2/97**

BITWIN

FAMILY MORRIS BULE,
Man blong toktok: Mr. Stephenson Bule
Orijinol kleman

MO

FAMILY TEMA TAMTAM
Man blong toktok: Mr. Ron Tema Tamtam
Fes kaonta- kleman,

MO

FAMILY AMON WARI
Man blong toktok: Mr. Amon Wari
Sekon kaonta- kleman,

MO

FAMILY RAUPAN JOSEPH
Man blong toktok: Mr. Raupan Joseph,
Namba 3 kaonta-kleman,

MO

FAMILY JOEL TAMTAM
Man blong toktok: Mr. Tabac
Namba 4 kaonta-kleman,

MO

FAMILY TALEO BEBE
Man blong toktok: Mr. Taleo Bebe
Namba 5 kaonta- kleman

MO

FAMILY ZAKIAS BILA
Man blong toktok: Mr. Zakias Bila

Majistret: Rita Bill NAVITI
Clark blong Kot: Mr. Rodrice Moulonturala

Ples: PANGI village Saot Pentecost

Deit: 23 Februari 2007
Time: 10.30 am to 2 pm

ODA BLONG KOT

Long taem blong Kot, lon 23 Februari 2007 olketa parties oli stap insaed long kot rum long Pangi village.

Long taem blong Kot, Kot hemi givim short background blong kes ia:

1. Kes is istat long Aelan Kot. Hemi imekem desisen blong hem long 1 Desemba 2003;
2. Family Morris Bule oli appil igo long Saprim Kot;
3. kaonta-klemnn namba 3, 4, mo 5 oli mekem applikesen blong olketa blong join olsem party long appil long Saprim Kot;
4. Saprim Kot hemi refusim applikesen blong olketa mo hemi sendem kes ia ikam bak long Pentecost aelan Kot blong Pentecost aelan Kot ilukluk long kastomari dispiut blong graon **Banmatmat** bakeken.

Long dei ia Kot hemi harem se igat somfalla interested parties too we oli wandem putum klem blong olketa mo afta we Kot hemi givim chance long everiwan insaed long kot blong save toktok, Kot hemi mekem olketa orda ia:

1. Family Morris Bule, oli mas faelem olketa pepa mo givim kopi igo long olketa kaonta-klemen;
 - (i) klem blong olketa long kastom graon blong Banmatmat,
 - (ii) family tri blong olketa,
 - (iii) Baondries blong kastom graon Banmatmat we oli klemem long 1997; insaed long 21 deis stat long tudei (23 February 2007). Deit laen blong faelem olketa documents ia hemi 16 March 2007.
2. Olketa parties oli mas mekem kastom baondri blong olketa insaed long orijinal kastom baondri map we orijinal klemen Morris Bule iputum igo long Kot long 1997 (kopi attached). Klak blong Kot (Mr. R. Moulonturala hemi riprodusim orijinol map ia mo distributim long each kaonta-klemens insaed long Kot long 23 Februari 2007)

3. Afta long 16 March 2007, taem we olketa klemens oli risivim trifala dokuments ia antop; oli must mekem replae (response), faelem mo givim kopi igo long orijinal klemen mo olketa narafalla kaonta klemens. Deit laen blong mekem work ia hemi 6 April 2007. Replae ia I mas gat:

- (i) statmen blong histori,
- (ii) Family tri, mo
- (iii) Kastom baondri blong klem.

4. Orijinol klemem (Morris Bule) mo olketa kaonta-klemen oli mas faelem statmen blong olketa witness blong olketa igo long olketa narafalla insaed long 21 deis afta we oli risivim olketa dokumen we istap long paragraph 2 ontop; deit laen blong sendem olketa statmen blong olketa witness ia hemi 27 April 2007.

5. olketa party oli gat raet blong kollem 5 witness each nomo.

6. Zachias Bila mo/or any narafalla man/woman we iwandem tekem part long Land kes **Banmatmat** blong klemem kastom raet blong hem, hemi mas mekem, faelem klem mo pem fi blong 30 000 vatu long Pentecost aelan Kot bifo long 16 March 2007.

7. Kes ia hemi adjourn igo long wik we istat long 22 May 2007 blong trael. Bambae Kot hemi sidaon long Batmatmat Villej long 9 o'clock moning.

8. Aelan Kot Klak blong Pentecost hemi mas faenem 3 jastis blong Pentecost aelan Kot we wan long olketa is save gud kastom blong graon blong Saot Pentecost blong sitdaon mo jadjem kes ia stat long 22 May 2007. Mo olketa parties long kes ia oli mas agri long olketa jastis ia before kot hemi sidaon.

Orda ia Kot hemi mekem long 23 Februari 2007 long Pangi long Saot Pentecost.

Rita Bill Naviti

BAN HAT HAT
Disputed Boundaries
= ORIGINAL
23/2/07

